

ELKARTEAREN ESTATUTUAK

LEHEN KAPITULUA

IZENDAPENA

- 1. artikulua-** *“KEMEN GRA euskal kultura eta abestia sustatzeko elkartea”* izenarekin, euskal kultura, eta zehazki euskal abestiak kalitatearekin abestu eta sustatzeko helburuarekin, irabazi asmorik gabeko Elkartea bat sortzen da, lege hauek ezarritakoaz baliatuta: Elkartzeko eskubidea arautzen duen 1/2002 Lege Organikoa, martxoaren 22koa, eta Euskadiko Elkarrekin buruzko 7/2007 Legea, ekainaren 22koa, Eusko Legebiltzarrak onartutakoa, EAEko Autonomia Estatutuaren 9 eta 10.13 artikuluek ezarritakoaren arabera.

Elkarreak lege horiek ezarritakoari jarraituko die, eta gainera, Estatutu hauei -Legearen kontrakoak ez diren heinean-, haren gobernu organoek hartutako akordio baliodunei -balidin eta Legearen edo Estatutuen kontrakoak ez badira-, eta Eusko Jaurlaritzak onar ditzakeen xedapenei, izaera osagarria izango dutenak.


ELKARTEAREN XEDEAK

- 2. artikulua-** Erakunde honen xedeak honako hauek izango dira: Euskal musika, hizkuntza, kultura, folklorea baita historia eta tradizioak mantendu, sustatu eta zabaltu.

Helburu horiek betetzeko, ezarritako baldintza legalak betez, honako JARDUERA hauek burutuko dira:

Musika ekitaldietan eta elkartean helburuekin bat datozen beste ekitaldi-mota batzuetan parte hartu. Euskal konpositoreen lanak zabaltzeko kontzertuen antolaketa zein besteek antolaturiko kontzertuetan parte hartzea musika hori eskainiz. Kantu koral lehiaketetan parte hartu aipaturiko egileen lanak zabaltu asmoz.

Arestian deskribatutako jarduerai kalterik egin gabe, elkarreak, bere helburuak betetzeko, honako hau egin ahal izango du:



- Era guztietako jarduera ekonomikoak, elkartearen helburuak betetzeko edo xede horretarako baliabideak eskuratzeko.
- Era guztietako ondasunak eskuratzeko eta haien jabe egitea, edozein titulupean, eta era guztietako ekintza eta kontratuak egitea.
- Lege eta elkartearen Estatutuekin bat datozen era guztietako ekintzak egitea.

EGOITZA SOZIALA

- 3. artikulua-** Erakunde honen egoitza soziala Bizkaiko Lurralde Historikoan, Bilbon, Sabino Arana etorbideko 65. zenbakian, 7. solairuan, B atean, 48012 posta kodean egongo da kokatua.

Zuzendaritza Batzordeak erabakiko du egoitza sozialaren aldaketa herri beraren barruan egonez gero, bestela bazkideen batzar nagusiak erabakiko du estatutuak aldatzeko espedientearen bidez.

LURRALDE-EREMUA

- 4. artikulua** – Erakundeak Euskal Herrian burutuko ditu bere funtzio nagusiak.

IRAUPENA ETA IZAERA DEMOKRATIKOA

- 5. artikulua** - Erakundea izaera iraunkorrarekin sortuko da. VI kapituluaren arabera eta Legeetan aurreikusitako edozein kausagatik, besterik ez da desegin.

Erakundearen barne-antolaketa eta funtzionamenduak demokratikoa izan behar du eta aniztasuna errespetatuko da. Erakundearen oinarritzko eskubidearen edozein alderdi baztertzen duten itunek, estatutu xedapenek edo akordioek zuzenbide osoko deuseztasuna izango dute.



BIGARREN KAPITULUA

GOBERNU-ORGANOAK ETA ADMINISTRAZIOA

6. artikulua – Elkartea honako kide anitzeko organoek gobernatu eta administratuko dute:


- Bazkideen Batzar Nagusia, organo goren gisa.
- Zuzendaritza Batzordea, norabide bakarreko kide anitzeko organo gisa.

BATZAR OROKORRA

7. artikulua - Bazkide guztiek osatzen duten Batzar Orokorraren bidez adieraziko dira bazkideen nahiak.

Batzar Orokorraren ahalmenak izango dira:

- a) Elkartearen jardueren plan orokorra onartzea
- b) Urteko kontuak eta hurrengo ekitaldirako aurrekontua aztertzea eta onartzea.
- c) Zuzendaritza Batzordearen kudeaketa onartzea.
- d) Estatutuak aldatzea.
- e) Elkartea desagitea.
- f) Presidente, idazkaria, diruzaina eta, halakorik balego, kide anitzeko organoko gainerako kideak aukeratzea eta kargugabetzea, baita hura gainbegiratzea eta kontrolatzea ere.
- g) Federazio eta konfederazio ekintzak adostea beste elkarte batzuekin edo lotura horiek abandonatzea.
- h) Ondasun higiezinak erabiltzea edo besterentzea onartzea.
- i) Gobernu organoko kideen ordainsaria erabakitzea, hala badagokio.
- j) Kuota arruntak edo apartekoak ezartzea, nahiz eta Batzar Nagusiak ahalmen hau gobernu organoaren esku utzi ahal izango duen, espresuki eginiko akordio bidez.
- k) Bazkideak elkartetik kanpo gelditzeko erabakia hartzea.
- l) Elkartearen beste organo baten esku ez dagoen beste edozein ahalmen.



- 8. artikulua** - Batzar Nagusiaren bilerak ohikoak eta ezohikoak izango dira.
- 9. artikulua** - Batzar Nagusia ohiko bilkuran deituko da, urtean behin gutxienez, 7. artikulua a), b) eta c) ataletan aipatutako akordioak hartzeko.
- 10. artikulua** - Batzar Nagusiak ezohiko bilkura egingo du Zuzendaritza Batzordeak hala erabakitzen duenean, bai bere kabuz bai elkarteko kideen % 25ak eskatuta, bilera egiteko arrazoiak eta helburuak azalduta. Gainera, ezohiko bilkura egingo da ere gai hauek aztertu behar direnean:
- a) Aldaketak Estatutueta.
 - b) Elkartea desagitea.
- 11. artikulua** – Batzar Nagusiaren bilkuren deialdiak idatziz egingo dira eta eguna, lekua eta ordua ez ezik, aztergaien zerrenda ere adieraziko da, zer gai aztertuko diren zehazki aipatuta Gutxienez bost egun egongo dira deialdiaren eta Batzar Nagusiaren bilera lehen deialdian egingo den egunaren artean, eta, hala badagokio, bilera bigarren deialdian egingo den eguna eta ordua ere adieraziko dira (ez da ordu erditik beherako tarterik onartuko bataren eta bestearen artean).
- Batzar Nagusia, bai ohikoa bai ezohikoa, lehen deialdian eratutzat hartua izan dadin, ezinbestekoa izango da bertan egotea boto eskubidea duten bazkideen herena; bigarren deialdian, ez da gutxienez beharko bilkura eratutzat hartzeko.
- 12. artikulua** – Batzar Nagusiaren akordioak gehiengo soilez hartuko dira, bertaratu diren pertsona edo ordezkariak daudenena, baiezko botoek ezezkoak gaituzten dituztenean. Dena dela, bertaratuak edo ordezkariak gehiengo osoa beharko da (erdia + 1) akordio hauek hartzeko:
- a) Elkartea desagitea.
 - b) Estatutuak aldatzea.
 - c) Ondasunak eskuratzea edo besterentzea.
 - d) Ordezkaritza organoko kideen ordainsariak.

13. artikulua – Bazkideek beste edozein bazkideren esku utzi ahal izango dute beren ordezkaritza Batzar Nagusiaren bilkuretarako. Ordezkaritza hori idatziz emango da, eta batzarreko idazkariari entregatuko zaio, bilera hasi aurretik. Elkartek helbide soziala duen udalerritik kanpo bizi diren bazkideek postaz bidali ahal izango dute beren ordezkaritza egiaztatzen duen dokumentua.

ZUZENDARITZA BATZORDEA

14. artikulua – Zuzendaritza Batzordeak elkartearen interesak kudeatu eta ordezkatzeko ditu, Batzar Nagusiaren xedapenen eta zuzentzaruen arabera, eta soilik bazkideak aritu ahal izango dira batzorde horretan.

Zuzendaritza Batzordeak izango ditu: Lehendakaria

Idazkaria

Diruzaina


Batzorkide bat

15. artikulua – Zuzendaritza Batzordearen bilerak justifikaziorik gabe huts egiten dituzten batzordekideek (elkarren segidako 2 bilera) beren kargua utzi beharko dute.

16. artikulua - Zuzendaritza Batzordea osatzen duten karguak, presidentea salbu, zeinek biziarteko kargua duena, Batzar Nagusian aukeratuko dira eta **3 URTETARA** izango dira, batzarrak espresuki errebokatzea erabakitzen duenean izan ezik. Karguak berrautatu ahal izango dira.

17. artikulua - Zuzendaritza Batzordeko kide izateko, ezinbesteko baldintzak izango dira pertsona fisikoentzat eta pertsona juridikoen ordezkariarentzat:

- a) Adinez nagusia izatea, eskubide zibilak erabiltzeko erabateko gaitasuna izatea, eta indarrean dagoen legediaren arabera bateraezintasunik ez edukitzea.
- b) Estatutuetan ezarritako moduan aukeratua izatea.
- c) Elkarteko bazkide izatea.



18. artikulua - Batzar Nagusiak izendapena onartu ondoren, Zuzendaritza Batzordeko kide bihurtzeko, ezinbestekoa izango da kargua onartzea edo hartaz jabetzea.

Batzar Nagusiak, hala badagokio, **Zuzendaritza** Batzordeko kideen dietak eta gastuak arautu ahal izango ditu.

19. artikulua - Zuzendaritza Batzordeko kideek kargua utziko dute kasu hauetan:

- a) Agintaldia amaitzean
- b) Dimisioa ematean
- c) Bazkide izateari uzten diotenean (edo horretarako ezgai bihurtzen direnean)
- d) Batzar Nagusiak errelokazioa erabakitzen duenean, Estatutu hauen 16. artikuluan ezarritakoaren arabera
- e) Heriotza.


Kargu uztea a) ataleko arrazoiagatik gertatzen denean, Zuzendaritza Batzordeko kideek beren eginkizunetan jarraituko dute, Batzar Nagusiaren hurrengo bilkurara arte, eta bilkura horretan aukeratuko dituzte kargu berriak.

b), c), d) eta e) kasuetan, Zuzendaritza Batzordeak berak beteko du plaza hutsa, behin behineko izendapen baten bidez, Batzar Nagusiak berretsi edo ezeztatuko duena (ezeztatuz gero, beste norbait izendatuko du).

Zuzendaritza Batzordean eginiko kide aldaketa guztiak Elkartearen Erregistroari jakinaraziko zaizkio.

20. artikulua - Zuzendaritza Batzordearen eginkizunak izango dira:

- a) Elkartearen eguneroko gestioa zuzentzea, Batzar Nagusiaren jarraibideen arabera eta azken horren kontrolpean.
- b) Elkartearen jarduerak programatzea.
- c) Urteko gastuen eta sarreraren aurrekontua aurkeztea Batzar Nagusiari, onartu dezan, baita aurreko urteko kontuen egoera ere.
- d) Batzar Nagusiaren bilkuren aztergaiaren zerrenda osatzea, eta organo horren ohiko eta ezohiko bileren deialdiak erabakitzea.



- e) Bazkideen proposamenak eta iradokizunak aztertzea, eta dagozkion neurriak hartzea, egoki iritziz gero.
- f) Estatutu hauen aginduak interpretatzea eta hutsuneak betetzea, aintzat harturik beti elkartearen arloan indarrean dagoen lege araudia.
- g) Batzar Nagusiak akordio espres bidez ematen dizkion gaitasunak gauzatzea, organo horren gaitasun eskusiboak direnean izan ezik.

21. artikulua - Zuzendaritza Batzordeak Lehendakariak erabakitzen duen guztietan egingo ditu bilkurak, edo hark berak erabakitzen duenean, edo batzordeko kideren batek eskatzen duenean. Lehendakaria izango da bilkura hauetan buru, baina hura ez dagoenean eta halakorik balego, Lehendakariordea, baina ez bata ez beste ez direnean, batzarkide zaharrena izango da. Zuzendaritza Batzordearen erabakiak balekoak izan daitezen, batzarkideen gehiengoak hartutakoak beharko dute izan, eta gutxienez kideen kopuruaren erdiak egon beharko du presente bilkuran. Botoetan berdinketa izanez gero, Lehendakariaren botoak erabakiko du. Idazkariak jasoko ditu bilkuran adierazitakoak, eta dagokion Liburuan jasota geratuko dira.

ZUZENDARITZA BATZORDEKO KARGUAK

PRESIDENTEA

22. artikulua - Presidenteak bere gain hartuko du elkartearen lege ordezkariak, eta Zuzendaritza Batzordeak eta Batzar Nagusiak hartutako erabakiak betearaziko ditu. Bi organo horien buru izango da.



23. artikulua - Presidentearen eginkizunak izango dira:

- a) Zuzendaritza Batzordeak eta Batzar Nagusiak eginiko bileren deialdia egin eta eratutzat hartzea, bataren eta bestearen eztabaidak zuzentzea, eta kalitate botoa erabiltzea bozketan berdinketa dagoenean.
- b) Elkartearen jardueren plana proposatzea Zuzendaritza Batzordeari, eta haren zereginak bultzatu eta zuzentzea.
- c) Era baliodunean hitzartu diren ordainketak agintzea.
- d) Presazko gaiak ebaztea, eta horren berri ematea Zuzendaritza Batzordeari, organo horrek egingo duen lehen bileran.
- e) Batzar Nagusiak akordio espres bidez ematen dizkion gaitasunak gauzatzea, organo horren gaitasun eskusiboak direnean izan ezik.

IDAZKARIA

24. artikulua - Idazkariaren eginkizunak izango dira sarrera eskabideak jasotzea eta izapidetzea, Bazkideen Erregistro Liburua eta fitxategiaz arduratzea, eta Akten Liburua zaintzea eta idaztea.

Gainera, elkarteen alorrean indarrean dauden legeak betetzeaz arduratuko da, elkarteen dokumentazio ofiziala zainduko du, elkarteen Liburuen eta fitxategien edukia ziurtatuko du, eta Zuzendaritza Batzordearen izendapenak eta helbide sozialaren aldaketak jakinaraziko dizkio eskumena duen agintariari.



DIRU-ZAINA

25. artikulua - diru-sarreraren eta ordainketen berri emateaz gainera, sarreraren eta gastuen urteko aurrekontua formalizatuko du, baita aurreko urteko kontuen egoera ere, Zuzendaritza Batzordeari aurkeztuko zaizkionak, honek Batzar Nagusiaren onespenera bidera ditzan.

BATZORDEKIDEA

26. artikulua - Batzordekideak, Zuzendaritza Batzordeko kide den aldetik, beren karguari dagozkion betebeharrak izango ditu (elkartearen zuzendaritza eta gestio arrunta), eta batzordeak berak agintzen dizkiena.

HIRUGARREN KAPITULUA

BAZKIDEAK: ONARTUAK IZATEKO BALDINTZAK ETA PROZEDURA, ETA MOTAK

27. artikulua - Elkarteko kide izan daiteke nahi duen pertsona oro, baldin eta baldintza hauek artikulukoak betetzen baditu:

- Adin nagusikoa edo adingabe emantzipatua izatea, norberaren eskubideak erabiltzeko inolako lege-baldintzaren menpe ez egotea eta ebazpen judizial irmoaren bidez eskubideen erabilera mugatuta ez edukitzea.

Pertsona juridikoak direnean, eskumena duen organoak bere baitan hartutako erabaki baliodunaren kopia aurkeztu beharko dute, eta bertan adierazi bai elkartzeko borondatea, bai beren izenean arituko denaren izendapena.

28. artikulua - Elkarteko kide izan nahi duten pertsonak idatzi bat bidaliko diote presidenteari, eta honek Zuzendaritza Batzordera bideratuko du eskaera. Batzordeak eskaera onartu edo atzera botako du, eta gorako errekurtsua aurkeztu ahal izango da Batzar Nagusiaren aurrean.


BAZKIDEEEN ESKUBIDEAK ETA BETEBEHARRAK

29. artikulua – Bazkideek eskubidea izango dute:

1. Elkarteei buruzko Legearen aurkakoak diren akordioak eta ekintzak aurkaratzeko, berrogei egun naturaleko epean, demandatzaileak aurkaratutako akordioaren edukiaren berri izan duen egunetik kontatzen hasita.
2. Informazioa jasotzeko, elkarteren gobernu eta ordezkaritza organoen osaerari, kontuen egoerari eta haren jardueren nondik norakoei buruz.
3. Noiznahi, elkarteko beste kideen nortasuna ezagutzeko, sarreraren eta gastuen kontuen egoera, eta elkarteren jardueren garapena, datu pertsonalak babesteko araudiak ezarritako moduan.
4. Batzar Nagusiaren deialdiak jasotzeko, bilkura horietara joateko, eta ahots eta boto eskubidea erabiltzeko (beste kide batzuen esku utzi ahal izango dute beren ordezkaritza).
5. Estatutu hauen arabera, elkarteren zuzendaritza organoetan parte hartzeko, hautesle eta hautagarri modura.
6. Indarrean dagoen legediak aurreikusten duen bazkideen fitxategian egoteko, eta elkarteren ikurra erabiltzeko (halakorik balego).
7. Estatutuen eta Barne Araubidearen Erregelamenduaren ale bat edukitzeko (halakorik balego), eta eskaerak eta kexak aurkezteko zuzendaritza organoen aurrean.
8. Elkarteren ekintza kolektiboetan aritzeko, eta bazkide guztientzat diren elementuak erabiltzeko (elkarteren egoitza, bibliotekak, etab.).
9. Idatziz entzuna izateko, diziiplina neurriak hartu aurretik, eta neurri horiek eragiten dituzten arrazoiak jakiteko (bazkideei dagozkien betebeharrak betetzen ez direnean hartuko dira soilik diziiplina neurriak).
10. Noiznahi baja hartzeko, betetzeke dauden konpromisoak bete beharko badira ere.

30. artikulua – Bazkideek betebeharrak hauek izango dituzte:

1. Elkarteren helburuak onartzea eta horiek betetzen laguntzea.
2. Estatutuen arabera bazkide bakoitzari dagozkion kuotak, derramak eta beste ekarpenak ordaintzea.



3. Estatutuetan ezarritako beste betebeharrak betetzea.
4. Elkartearen gobernu organoek hartzen dituzten erabaki baliodunak onartzea eta betetzea.
5. Entsegu eta jardueretara joatea edota horietan parte hartzea, horretarako onartzen diren akordioen arabera.

BAZKIDE IZATEARI UZTEA

31. artikulua – Bazkide izateari uzteko arrazoiak izango dira:

1. Heriotza edo, pertsona juridikoen kasuan, disoluzioa.
2. Borondatez bazkide izateari uztea.
3. Zigorra jasotzean, honako arrazoi hauetako bategatik: Estatutu hauetan ezarritako betebeharrak edo Batzar Nagusiak edo Zuzendaritza Batzordeak hartutako erabakiak ez betetzea, ez-betetzea larria denean eta behin eta berriro eta nahita egiten denean.


ZEHAPEN ARAUDIA

32. artikulua Zuzendaritza Batzordeak bazkideak zigortu ahal izango ditu, Estatutuak edo Batzar Nagusiaren edota Zuzendaritza Batzordearen erabakiak behin eta berriro urratzeagatik.

Zigorrari dagokionez, eskubideak bertan behera uztea izango da arinena, 15 egunetik hilabetera; gogorrena, elkartetik kanporatua izatea, hurrengo artikuluetan azaltzen den moduan.

Hori horrela, presidenteak ikerketa bat hastea erabaki ahal izango du, zigortuak izan daitezkeen jokabideak argitzeko. Idazkaria ardurako da ikerketa lana egiteaz, organo izapidegilea den aldetik, eta egoki irizten dion neurriak hartzea proposatuko dio Zuzendaritza Batzordeari.

Zuzendaritza Batzordea arduratuko da zigorrak ezartzeaz, eta idazkariak ez du horretan zeresanik izango, organo izapidegilea delako. Zigorra ezarri aurretik, interesdunari entzungo zaio. Zigorra ezartzeko erabakia arrazoituta egongo da beti, eta errekurritu ahal izango da, Batzar Nagusiaren aurrean.




33. artikulua - Bazkideren batek elkartetik kanporatua izateko moduko ustezko egintzaren bat egiten badu, hau da, Estatutuotatik eratorritako betebeharrak eta Batzar Orokorrak edo Zuzendaritza Batzordeak baliotasunez hartutako erabakietan ezarritako betebeharrak nahita eta larriki behin eta berriz hausten baditu, gertaeren berri izatearren, lehendakariak idazkariari agindu diezaioke aurretiazko eginbide zehatz batzuk egin ditzala, behar den informazioa jasotzeko. Eginbide horiek ikusita, lehendakariak jarduerak artxibatzeke agintzea edo elkartetik kanporatzeko zigor-espedienteari hasiera ematea erabaki dezake


34. artikulua - Elkartetik kanporatzeko zigor-espedientea hasten bada, idazkariak, gertakariak egiaztatu ondoren, idatzi bat bidaliko dio interesdunari, leporatzen zaizkion karguen berri emateko. Kargu horiei erantzuteko, interesdunak bere aldeko arrazoiak azaldu ahal izango ditu hamabost eguneko epean. Epe hori amaituta, edonola ere, Zuzendaritza Batzordearen lehenengo bilkurako gai-zerrendan sartuko da kasua, eta batzordeak hartuko du erabakia. Erabakian ez du botorik izango espedienteko instrukziogilea izan den idazkariak.

Elkartetik kanporatzeko erabakia interesdunari jakinaraziko zaio eta, era berean, hurrengo ezohiko batzar orokorrean errekurtsua aurkez dezakeela azalduko zaio. Hiru hilabeteren barruan batzar horretarako deirik egiten ez bada, errekurtsua ebazteko batzarrerako deia egin beharko da. Bitartean, Zuzendaritza Batzordeak inputatuari bazkide-eskubideak etetea erabaki ahal izango du, eta Zuzendaritza Batzordeko kide bada, kargu hori utzarazi beharko dio.

Ustez bazkide bat elkartetik kanporatua izateko arrazoi bat dagoenean, Estatutuek ezarritako betebeharrak edo Batzar Nagusiaren edota Zuzendaritza Batzordearen erabakiak behin eta berriz, nahita eta larriki ez betetzeagatik, aldeztu aurreko eginbide batzuk abiaraz ditzala aginduko dio presidenteak idazkariari, informazio egokia eskuratzeko, eta bi aukera izango ditu informazio hori eskutan: eginbideak artxibatzea edo elkartetik kanporatua izateko zigor espedientea abiaraztea.



35. artikulua - Kanporatze erabakia arrazoituta egongo da beti, eta interesdunari jakinaraziko zaio. Honek epaitegietara jo ahal izango du, erabakia Legearen edo Estatutuen kontrakoa izan dela uste badu.

A handwritten signature, possibly "Egoitz", enclosed within an oval border.A handwritten signature, possibly "Egoitz", enclosed within an oval border.

36. artikulua - Bazkide bati elkartetik kanpo gelditu dela jakinarazten zaioenean (elkartea bere borondatez utzi duenean edo zigor baten ondorioz izan denean), elkartearekin betetzeke dituen konpromisoak betetzeko eskatuko zaio, hala badagokio.

LAUGARREN KAPITULUA

SORTZE ONDAREA ETA AURREKONTU ERREGIMENA


37. artikulua - Elkartearen HASIERAKO ONDAREA 250 eurokoa da.

38. artikulua - Elkartek gizarte jarduerak egiteko izango dituen baliabide ekonomikoak honako hauek izango dira:

- a) Ondare ekarpenak.
- b) Adostutako aldizkako kuotak.
- c) Dagozkion ondasun eta eskubideen bidez eskuratutakoak, baita legez jaso ditzakeen diru laguntzak, legatuak eta dohaintzak ere.
- d) Zuzendaritza Batzordeak, estatutu helburuen barruan betiere, adostutako legezko jardueren bidez elkartek lortutako sarrerak.

ELKARTE ETA EKONOMIA EKITALDIA urtekoa izango da, eta abenduaren 31n itxiko da urtero.

Jarduera ekonomikoen bidez –emandako zerbitzuak barne–, elkartek lortutako irabaziak soil-soilik haren helburuak betetzera bideratuko dira, eta ezingo dira banatu, inola ere, ez elkartekideen artean, ez haien ezkontideen edo antzeko harreman afektiboak direla eta haiekin bizi diren pertsonen artean, ez haien ahaideen artean, eta ezingo zaizkie doan utzi irabazi asmoz jardun diren pertsona fisikoei edo juridikoei.



BOSGARREN KAPITULUA


ESTATUTUAK ALDATZEA

39. artikulua - Estatuak aldatzeko erabakia berariaz horretarako deituko den bazkideen ezohiko Batzar Nagusian hartu beharko da. Zuzendaritza Batzordeak hiru bazkidek osatutako batzorde txostengile bat izendatuko du, aldaketa proiektua idatz dezan Zuzendaritza Batzordea emandako irizpideen arabera. Zuzendaritza Batzordeak ere finkatuko du proiektua amaitzeko epea.

40. artikulua - Aldaketa proiektua aipatutako epean idatzi ondoren, presidenteak Zuzendaritza Batzordearen lehenengo bileraren aztergaien zerrendan sartuko du gaia, eta bilera horretan aldaketa onartu, edo, hala badagokio, batzorde txostengileari igorriko zaio, berriro azter dezan. Aldaketa onartzen bada, Zuzendaritza Batzordeak lehenengo Ezohiko Batzar Nagusiaren aztergaien zerrendan sartuko du gaia.

41. artikulua- Batzarrerako deialdiarekin batera, Estatuak aldatzeko testua igorriko da, bazkideek idazkariari egokitzen jotzen dituzten zuzenketak bidal diezazkieten. Batzar Nagusiari zuzenketen berri emango zaio, baldin eta idazkariak bilera egin baino zortzi egun lehenago jaso baditu.

Zuzenketak banaka edo taldeka egin ahal izango dira; idatziz aurkeztuko dira; eta, beste testu alternatibo bat eduki beharko dute. Zuzenketak bozkatu ondoren, Batzar Nagusiak estatutua aldatzeko akordioa hartuko du, eta akordio horrek ondorioak izango ditu hirugarrenen aurrean soilik Elkarteen Erregistro Orokorrean sartzen denean.



SEIGARREN KAPITULUA

ELKARTEA DESEGITEA ETA ELKARTEAREN ONDAREA BIDERATZEA

42. artikulua- Elkartea desegingo da:

1. Bazkideen borondatez, horretarako deituko den ezohiko Batzar Nagusian hala adierazita.
2. Estatutuetan finkatutako epea edo baldintzak betetzen direnean.
3. Beste elkarre batzuekin bat egitean.
4. Legez ezarritako bazkideen gutxieneko kopurua ez dagoenean.
5. Desegitea erabakitzen duen epai judizial irmo batez.
6. Elkartearen helburuak bete ezin direnean.

43. artikulua- Elkartea desegiten bada, haren desegitea erabakitzeko egingo den ezohiko Batzar Nagusian Likidazio Batzorde bat izendatuko da, eta haren kargupean geratuko dira elkartearen funtsak. Elkarreak bazkide eta hirugarren pertsonekin dituen betebeharrak bete ondoren, soberan geratutako elkartearen ondarea, halakorik balego, irabazi asmorik gabeko erakunde bati emango zaio, edo irabazi asmorik gabeko xedeetara bideratuko da.

XEDAPEN IRAGANKORRA

Eraketa Aktan ageri eta behin-behineko izendatu diren Zuzendaritza Batzordeko kideek beren izendapena Batzar Nagusiaren esku utziko dute, haren lehenengo bileran.

AZKEN XEDAPENA

Batzar Nagusiak Barne Erregimenerako Araudi bat onartu ahal izango du, estatutu hauek garatzeko, baina araudi horretan ezingo dira aldatu, inola ere, estatutuetan jasotako aginduak.

